

四庫全書

子部

欽定四庫全書

子部

困學紀聞卷十九

二十九

詳校官中書臣張經田

員外郎臣牛稔文覆勘

總校官降調編修臣倉聖脉

校對官中書臣高中

膠錄監生臣錢掄選

欽定四庫全書

困學紀聞卷十九

宋 王應麟 撰

評文

穀梁隱四年傳注云建儲非以私親所以定名分鄧潤
甫草東宮制云建儲非以私親蓋明萬事之統主器
莫若長子茲本百王之謀蓋出於此

晏元獻謝昇王記室表云衣存缺衽式贄於謙沖饒去

邪蒿不忘於規諫韓詩外傳周公誡伯禽曰衣成則

必缺衽宮成則必缺隅

若壞按去邪蒿北齊邪峙傳太子事

九章算術五雀六燕飛集於衡衡適平一雀一燕飛而易處則雀重而燕輕陸農師謝吏部尚書表六燕相亭試銓平其輕重盖用此

周書王會東越海禽或誤為侮食而王元長曲水詩序用之其別風淮雨之類乎

駱賓王云類同心異者龍蹲歸而宋樹伐質殊聲合者

魚形出而吳石鳴龍蹲謂孔子春秋演孔圖孔子坐
如蹲龍立如牽牛

揚盈川敘郡守云代臨本州則元賓之父喜形於色繼
為本守則張翕之子迎者如雲敘縣令曰仁之所懷
幼童不能擊將雛之雉明之所斷老父不能爭食粟
之雞對的語工

蘇許公制右掖司言佇光於五字常袞表五字非工張

南史詩唯有五字表魏志

若曠按本出
郭頌世語

司馬景王命

中書令虞松作表再呈輒不可意中書侍郎鍾會取
視為定五字松悅服西掖用五字本於此

張文定慶曆中草兩制薦舉勅云蓋舉類之來舊矣三
代之盛王其必由之如聞外之議云是且啓私謁告
請之弊也予不以是待士大夫何士大夫自待之淺
耶又察舉守令勅云夫天下之大官吏之衆獨不聞
循良尤異者之達予聽外臺之職豈非闕歟抑朝廷
未有以尊守之也其視守令能以仁政得民民心愛之

如古循吏然者宜以名上予得以褒慰之亦以使四方之民知予不專寵健吏所貴仁者爾尤延之謂二詔大哉言乎簡而盡直而婉丁寧惻怛之意見於言外至今誦之盎然如在春風中豈特公之文足以導上之德意志慮亦當時善治足以起其文也

文定又行范文正公參政制云大恩之下難為報大名之下難為處別兼二者可無勉哉爾尚朝夕以交修予允迪前人勤教邦其永孚于休訓辭溫雅可以見

太平之象

端平元年九月真文忠公除翰林學士洪舜俞命詞曰
迪惟仁祖有若臣修朝京師於甲午之元拜內相於
李秋之月歐陽公之除在至和元年九月歲皆甲午
用事切當如此

慶元初嗣秀王辭中書令賜贊拜不名鄭溥之草制云
天下之達尊三德兼爵齒以俱茂人臣之不名五老
與親賢而並隆公羊傳注禮君於臣不名者有五請

父兄不名上大夫不名盛德之士不名老臣不名說
苑伊尹曰君之所不名臣者四諸父臣而不名諸兄
臣而不名先王之臣臣而不名盛德之士臣而不名
咸淳初嗣榮王賜詔書不名余草制用說苑事

開禧追貶秦檜周南仲代草制云兵於五材誰能去之
首死邊疆之禁臣無二心天之制也忍忘君父之讎

又云一日縱敵遂貽數世之憂百年為墟誰任諸人

之責

金人而遭錄載孫大鼎疏言遣檜問我以就扣
檜之姦狀著矣嘉定之牽便幾於失刑 若磔

按南遷錄賈選錄駁之近漁洋文畧駁之信多子虛
亡是之辭然載遺秦檜事却可信余取以補續通鑑東

真傳是

樓云

韓文公王仲舒銘云敷文帝階擢列侍從野處謝敷文
閣直學士表云宣布中和方歌盛德之事擢列侍從
遽復敷文之階雖借用而切當

王輔嗣吐金聲於中朝此子復玉振於江表微言之緒
絕而復續不意永嘉之末復開正始之音晉人之稱
衛玠蓋所尚者清談也正始魏齊王芳年號胡武平

啓以正始之遺音對奪朱之亂雅陸務觀嘗摘其誤
王季海行東坡贈太師制云博觀載籍之傳幾海涵
而地負遠追正始之作殆玉振而金聲恐亦襲武平
之誤也若正始之清談非所以稱坡公

胡文定以親辭成都學事云矧當喜懼之年深計短長
之日曾文清求歸待云朝則倚門暮則倚閭常恐失
望父曰嗟子母曰嗟季曷敢弭忘

上官儀冊周王文識表魏舟之象詞掩漢臺之駕上句

用曹倉舒事下句用柏梁臺詩梁王曰駮駕駟馬從
梁來或以駕為卦引沛獻王占雨事非也

洪景盧周茂振入館謝啟雖不若董彥遠之博如桃菜

難

吾若璩按馮衍傳注云菜字似棗文又連桃後學者輒改菜為棗以桃棗易明桃菜難悟也啟正用章懷

太子注

成句 柳卯本同幼婦外孫之義女郎世子之名

按南

史賈希鏡傳古冢有銘云青州世子東海女郎
帝問希鏡對曰此是晉司馬越女塚苟啼兒

亦儷

語之工者

野處草梁叔子制云鼎學士之大稱蓋用劉禹錫天平

軍壁記以牙璋玉節馬右僕射官稱之語又草葉頤左
相制云學聖人之道高天下以聲或云葉語音高故
以戲之然矜人臣以能高天下以聲史記謂殷紂也
不當用之王言

徐淵子上梁文云林木翳然便有濠濮間想清風颯至
自謂羲皇上人初寮啟云得知千載上賴古書作吏
一行便廢此事皆全句

李宗道春秋十賦屬對之工如越樹熊虎之狀弗殺必

滅若敖伯石豺狼之聲非是莫喪羊舌王子爭囚而
州犁上下伯與合要而范宣左右魯昭之馬將為櫛
衛懿之鶴有乘軒于奚辭邑而衛人假之器晉侯請
隧而襄王與之田星已一終魯君之歲亥有二首絳
老之年作楚宮見襄公之欲楚效夷言知衛侯之死
夷雞憚犧而斷其尾象有齒以焚其身虞不臘矣吳
其沼乎好魯以弓請謹守寶賜鄭以金盟無鑄兵蛇
出泉臺聲姜薨烏鳴亳社伯姬卒

若璩撰歐陽公年譜年十七應舉隨

州試左氏失之誣論中云石言於晉神降於莘外地
闕而內地傷新鬼大而故鬼小雖不中人猶傳誦之
但誣原本定作巫出范甯殺梁
傳序巫者謂多序鬼神之事也

晏元獻進牡丹歌詩表云水平神爵之頌孝明稱美者

五人正元重九之篇德宗考第於三等按論衡云永
平中神雀羣集詔上神雀頌百官上頌文比瓦石唯

班固賈逵傳毅揚終侯諷五頌金玉孝明覽馬正元

事見劉太真傳

若據按見劉太真傳謂新唐書舊唐
則見德宗紀貞元四年九月癸丑賜

百寮宴於曲江亭仍作重陽賜宴詩六韻賜之羣臣
果和上品其優劣以劉太真李紆為上等鮑防于召

為次等張濂段亮等二十人又次之唯
李晟馬燧李泌三宰相之詩不加優劣

寧

若璩按寧當
作壽下同

皇服藥赦文陳

按陳當
作倪

正父所草也雖

不明不敏有幸四海望治之心然無怠無荒未始一
毫從己之欲天下誦之謂寫出寧皇心事

盧思道賀甘露云神漿可挹流味九戶之前天酒自零

凝照三階之下常袞賀雪云重陰益固應水澤腹堅

之時積潤潛通迎土膏脉起之候皆儷語之工者

俗語皆有所本如利市出易說卦左傳難為人出表記

擔負出詩玄鳥箋折閱出荀子生活出孟子家數出

墨子服侍出周禮大司徒伏事出陸士衡詩分付出

漢原涉傳交代出蓋寬饒傳區處出黃霸傳多謝出

趙廣漢傳丁寧出詩采薇箋什物出後漢宣秉傳自

由出五行志曉示出童恢傳主者出劉陶傳

若環按亦見劉

陶傳前 變已傳 意智出鮮卑傳卑末出欒巴傳告示出荀子

仁者好告示人

按今仁作人 布施出周語

布施優裕

比較出齊語行頭

出吳語當日出晉語地主出左傳

按左傳止有東道主

越語相

於出晉后妃傳料理出王徽之傳長進出和嶠傳消

息出魏少帝紀功夫出王肅傳

按王肅傳無亦出魏少帝紀

普請

出吳呂蒙傳手下出太史慈傳牢固出陸抗傳鄭重出

王莽傳分外出魏程曉上疏小却出宋紀

按出武帝紀

間

介出長笛賦

問介無蹊

婁羅出南史顧歡傳

按日知錄婁羅蓋聰明才

敏之意

本分出荀子

見端不知見本分

措大出五代東漢世家

按已見通鑑唐文宗紀考異何叱瞻曰寒山詩亦有

假開出王峻傳本色出唐

劉仁恭傳古老出書無逸注商量出易商兌注不宣

備出揚德祖荅臨淄侯

不能
宣備

生人婦出魏杜畿傳私

名出列子家公出莊子

主人
公也

致意出晉簡文紀

按亦
出孫

綽
傳

傳語出後漢清河王慶傳收拾出光武紀尋思出

劉矩傳不審出韓詩外傳

按不審為
晏子語

世情出纏子

不
識

世情爾來出孔明出師表竭來出思玄賦

按李善注引
劉向七言曰

駕未歸耕
永自疎

和買出左傳正義阿誰出蜀龐統傳罷休

出史記孫武傳慙愧出齊語安排出莊子比數出周

禮大司馬注見在出彙人注孩兒出書康誥注老境

出曲禮正義牽帥出左傳先輩出詩采薇箋如今出

杖杜箋居士出玉藻可人出雜記道人出漢京房傳

寄居出息夫躬傳某甲出周禮職內注道士出新序

介子主人公出史記按范唯傳唯小家子出漢霍

光傳不中用出史記外戚世家王尊傳按秦始皇本

下書不我輩人出晉石苞傳對岸出樂志按出顧臻

中用奇十八九出漢丙吉傳至今十浩大出後

漢馬廖傳兩兩相視出周嘉傳按毛板脫年紀出光

秋對岸對岸二

字用於歌國奇

至今十

矣

一兩字

武紀雜碎出仲長統傳細碎事手下出吳呂範傳

按

手下皆出注引江表傳孫策語

合少成多出中庸注

按中庸註無

若干出

禮記曲禮投壺如干出陳何之元傳膠加出九辨

膠音

豪加丘加反

牢愁出揚雄傳

畔牢愁集韻愁音曹

墨尿出列子

音眉

冗長出陸士衡文賦無扶出史記夏本紀擘畫出淮

南子前定出中庸細作出左傳釋文殺致出世說留

連出後漢劉陶傳問息耗出竇后紀已分出魏文帝

書物色出淮南子

按何不云出月令

本師出史記樂毅傳祖

師出漢外戚丁姬傳生熟出莊子有瓜葛出後漢禮

儀志

按出禮儀志注引蔡邕獨斷曰凡與先后有瓜葛者

發遣出陳寔傳天然

出賈逵傳新鮮出太玄鈍悶出淮南子誇張出列子

憚怯出洞簫賦近局出陶淵明詩提撕出詩抑箋本

貫出晉江統論

按止有本種無本貫

十字街出北史李庶傳

庶按

附李諧傳

見錢出漢書王嘉傳

梁簡文為子辭封表云日蝕之餘無黃童之對荷戟入
榛異子烏之辨又云熙祖流聰慧之稱方建臨淮之

國元仲表岐嶷之質乃啓平原之封

荷戰入榛揚雄
童烏事熙祖晉

太子適字元
仲魏明帝字

元豐末皇弟似封晉寧郡王制全用熙

祖元仲一聯然熙祖非美事也

晉寧元板
作普寧

王元之表風摧霜敗芝蘭之性終香日遠天高葵藿之

心未死劉元城表云志存許國如萬折而必東忠以

事君雖三已而無愠斯言可以立懦志

若塚按趙元
鎮移吉陽軍

表云白首何歸暇餘生之無幾丹心未泯誓
九死以不移尤以此言致不食卒可悲也

驢非驢馬非馬

漢西
域傳

烏不烏鵲不鵲

戰國
策

可以為對

若
環

按後魏宣武孝明民間
諺曰狐非狐貉非貉

傳景仁云烹羊魚羔唯帶牛

佩犢可對

嘉定受寶爾至南塘賀表云函封遠致不知何國之白環

琢刻孔章咸曰寧王之大寶

宗室入翰苑者三
人彥中汝談汝騰

王岐公荅韓魏公詔豈朕鬱於大道未昭治亂之原將

卿保其成功自潔進退之分崔大雅荅周益公詔豈

朕不德未達好賢之誠將卿既明自全引退之節益

微其意

鄭安晚再相

若璩按安晚清之號再相於淳祐七年四月

應之道草制云彦

博重入中書特令納節王曾再登揆席俛就集賢

黃伯庸賀雪表云招徠衆俊無晝卧洛陽之人獎勵三

軍有夜入蔡州之志語工而健

上天同雲平地尺雪范蜀公表也周益公

之用之

耿直之守京口復陳少陽之後曰如可贖兮百身猶將

宥之十世

億載萬年為父為母四海九州悉主悉臣迂齋對

李顯忠復節鉞汪聖錫草制云念秦伯用孟明之意與
馮唐面文帝之言又云與人之周庶幾得頗牧而能
用共武之服爾其繼英衛之善兵

倪正父草壽皇尊號詔云率百官若帝之初丕講非常
之禮於萬年受天之祐聿迎滋至之休周益公辭免
表云遜于爰斯伯與敢忘稽首有若號叔閔天尚助
迪威正父荅詔云爰斯伯與固可遜未聞虞帝之必
從號叔閔天雖曰賢蓋視周公而不及

真文忠為原貸盜賊詔云弄潢池之兵諒非爾志烈崑岡之火亦豈予心又云自有宇宙至於今日未聞盜賊得以全軀其言足以感動人心

王卿月為澹庵制云吾寧身蹈東海獨仲連不肯帝秦至今名重泰山微相如何以強趙

盧肇海潮賦後序馬褐牛衣

古未有對者

崔大雅草史直翁制云皇祐之詔二老設几以須熙寧之遇四臣齋書而訪尚有斯禮勿遐爾心

二老杜衍任布四臣

韓富文曾 若璩按杜衍傳皇祐元年召陪祀明堂
都亭驛設帳具几杖待之稱疾因辭任布傳並同而

仁宗本

紀不載

呂成公代其父倉部自黃州易守池州啓云爰考唐朝
有杜牧把麾之舊其臨秋浦亦齊安解組之餘雖後
先遷徙之偶同顧今昔風流之非匹

端平初濟王夫人吳氏復舊封其父與蔣右史良貴有
連良貴託先君代為謝丞相啓其末聯云孤忠未泯
敢忘漆室之憂葵厚德難酬願效老人之結草良貴

稱賞

真文忠除參政辭以疾趙南塘草詔曰漢御史大夫吉當封病上憂之夏侯勝謂必瘡果然後遂至相朕之賢卿甚於宣帝之德吉也卿其親醫藥自厚且先即舍拜命少間可就車朕遣黃門召見卿矣此詔有西漢風

鄭威愍公

驥

新除謝上章云關陝六七任不挂權臣之

橫恩宗觀二十秋靡霑故相之餘潤公之大節如此

馮翊之死義其處之有素矣

傳至樂上周益公啓云東門之柳自凋玄都之桃何在
彼刀頭之詖蜜得未鎔銖況井眉之居瓶恍如夢寐
蓋指張說也

或上朱文公啓云行葦勛業銷倚樓看鏡之懷窈窕

嶠寄尋壑經丘之趣

若環按何杞瞻曰此免解張克明啓中自敘語朱子謂此老子

心事也此公方求試南宮而輒以自與何哉有踐載大全集中時為庚子至前一夕方知兩康軍屢請祠而未允明年閏三月遂去郡東歸今但云上朱子似小誤

宋正甫詩三甲未全一丁不識

或試縣學見黜後預鄉薦以啓謝縣令有不平之意令

荅云大敵勇小敵怯昔固有之今日是前日非吾無

愧矣

若城按宋處州士子終場者六人三人與選謝
主司啟云同雙園之觀人去者半存者半類凡

門之取友益
者三損者三

毛憲守長沙謝韓平原云湖南之地二千里序詩幸託
於昌黎平原之客十九人脫穎願同於毛遂

毛澤民啟云揚子雲貌寢官卑經雖玄而謂白九方歟

機深識妙馬本驪而為黃李清卿啟云斯風未泯則
朝取溫造而暮拔石洪吾道不行則近舍皇甫而遠

求居易

洪舜俞薦於鄉輩嶸監試後輩為江東憲使舜俞分教
番陽啟云東坡倅錢唐曾在門外鷓袍之列半山憲
江左亦賞梁間燕語之詩

徐淵子為越教荅項平甫云正恐異時風舞雩之流不
無或者月離畢之間或荅洪舜俞云魯直大名有皎

潔江梅之句少游下蔡無丁東玉佩之詞

有郡守招士人教子辭曰士而託於諸侯非其義也師不賢於弟子將焉用之

張宣公荅教官云識其大者豈誦說云乎哉何以告之曰仁義而已矣

真文忠為江東轉運有民困於買鴈之役來訴公判云詔捕鵙鵲若水尚還其使歲貢蚶蛤孔錢猶疏于朝況為州縣之官可恣口腹之欲

攻媿為姜氏慶七十致語云今日王孫猶有承平之故
態舊時竹馬得見會昌之新春承平王孫見柳文姜

粵誌

衢州稽古閣書臯陶謨於屏其上梁文云臯陶若稽古
事三朝稽古之君孔子與斯文為萬世斯文之主

王相

焄

嘉熙

若據按理宗在位
十三年丁酉改元

間以親老辭督府辟其

書曰昔溫太真絕衿違母以奉廣武之檄心雖忠而
人議其失性徐元直指心戀母以辭豫州之命情雖

窘而人予其順天

呂倚謝王岐公饋錢酒用白水真人青州從事岐公稱之

夏文莊表云詩會餘蚨之文簡凝含醜之墨餘蚨見詩
貝錦箋筆銳干將墨含醜醜出文心雕龍

獨孤馴象世以為工子雲甘泉晚而悔作晏元獻謂賦
也獨孤綬故馴象賦云返諸林邑之野歸爾梁山之
隅時在偃兵豈嬰乎燧尾上惟賤賄寧恤乎焚軀

唐律賦雞鳴皮關云念秦關之百二難逞狼心笑齊客
之三千不如雞口

紹興中省試高祖能用三傑賦第四韻用運籌帷帳考
官謂漢書乃帷幄非帳字不敢取徹棘以語周益公
益公曰史記云運籌帷帳之中非誤也淳熙中省試
人主之勢重萬鈞賦第一聯有用洪鐘二字者考官
哂之洪文敏典舉聞之曰張平子西京賦洪鐘萬鈞
此必該洽之士遂預選紹熙中四明試航琛越水詩

有用東坡舶趨二字而黜者決得失於一夫之目其
幸不幸若此

東都之季清議扶之而有餘強秦之末壯士守之而不
足

前輩作風俗萬
世之基末韻

亶聰明而有作無作聰明由仁義

以安行非行仁義

舜由仁
義行

非刀匕是共膳宰舉席間之醢釋椎鑿而上輪人議堂
上之書此工執藝事以諫賦聯也

困學紀聞卷十九

欽定四庫全書

困學紀聞卷二十

宋 王應麟 撰

雜識

南豐跋西狹頌謂所畫龍鹿承露人嘉禾連理之木漢
畫始見於今邵公濟謂漢李翁王稚子高貫方墓碑
刻山林人物乃知顧愷之陸探微宗處士輩尚有其
遺法至吳道玄絕藝入神然始用巧思而古意少減

矣今於盤洲所集隸圖見之

曹操夫人與楊彪夫人書送房子官綿百斤古文苑誤
為官錦而注者妄解按魏都賦緜績房子晉陽秋有
司奏調房子睢陽綿武帝不許水經注房子城西出
白土可以濯餘

善惡以熟言若孟子仁在乎熟漢五行志李氏之惡已
熟是也佛者曰

成實論

行惡見樂為惡未熟至其惡熟

自見受苦行善見苦為善未熟至其善熟自見受樂

其言善惡之熟亦名言也

仁宗摹太宗御書大相國寺額於石卽寺為殿而藏之
御飛白名曰寶奎殿紹興庚辰宏辭以寶奎殿太宗
皇帝御書贊命題唐說齋中選但云慶歷二載而不
紀月日以實錄考之乃二年正月辛未也蘇子美作
寶奎殿頌周益公題其後云上宰宗工更為辭章者
謂呂夷簡作記章得象題額之類實錄云命夷簡撰
記而說齋謂煥乎堯章親加紀述亦誤

舊制麻三道以上雙宣學士分撰元豐末鄧潤甫為學士一夕鎖麻二十二通靖康元年麻六道權直院莫

儔獨宿

翰苑未嘗草追贈制紹定六年十月史彌遠贈中書令追封衛王令學士院降制學士言非典故詔特與降制

太一宮四立月祝文舊用定本紹定二年十二月始命學士院撰述

親王初除有布政榜首云應某軍管內尾云榜某軍仍
散下管內謂所領節鎮也前輩制集皆可考淳熙十
六年皇子封嘉王布政榜乃云嘉州管內蓋草制者
失之開禧元年皇子封榮王榜威武軍合舊典矣蓋
節鉞初除以勅書示諭本鎮亦唐朝隄領之制也若
封王或以國如周魯或以州如兗雍之類未嘗有所
領之國咸淳二年余草福王制院吏欲以布政榜下
福州余引故事榜所領兩鎮

陳自明紹熙初宏辭已入等同試者摘周五射記用襄

尺字以為犯濮王諱

襄音

慶元四年從臣薦之謂襄

字雖同音嫌名不當避乃賜同進士出身徐子儀嘉

定中試宏辭甘石巫咸三家星圖序引周禮筮人巫

咸本注巫當為筮非殷巫咸主司黜之而薦於朝不

數年入館掌制

若據按王氏父為字謙父嘉定進士第同年余天錫參知政事屬教其子

弟歲終致束修以謝堅却不受曰吾二兒習詞學鄉里無完書願從公求尺牘焉借周益公傳內翰番陽

三洪公暨其餘習詞學者凡二十餘家所藏書余欣然應之後二子皆中詞科由此

易觀初六注處於觀時而最遠朝美湯邦彥字朝美本

此列子曰務外游不如務內觀陸游字務觀本此

魏傳

殿字蘭石本淮南子蘭生而芳石生而堅唐皇甫湜字持正本詩湜湜其吐箋黃魯直之字本柳子先友

記王紆有
學術魯直

朱文公門人晏淵晏音緩晉有晏清

若璩按晏淵即大全集之晏亞夫

西王母山海經云狀如人狗尾蓬頭戴勝善嘯居洵水

之涯穆天子傳注云虎齒蓬髮

漢天文志天暉而見景星注暉精明也集韻云晴字

易緯是類謀曰民衣霧主吸霜間可倚杵於何葳河圖
挺佐一輔曰百世之後也高天下千歲之後天可倚

杵

揚文公詩有倚杵碧天之句按輔上元板無一字

士冠禮眉壽萬年古文眉作麋博古圖雖公絨鼎銘用
乞麋壽萬年無疆

集韻吳人謂赤子曰狃孖音鴉牙雜記注嬰猶鷺彌也
孟子音義倪謂繫倪小兒也

周禮斡人注鰈魚字以魚名為字亦奇語也

若據按揚升庵廣之

曰大戴禮記蘭氏之根漢氏之苞王褒洞簫賦幸得
諡為洞簫兮大魚名而稱字草名而稱氏簫名而稱
諡皆奇
之又奇

石鼓文帛魚鱗鱗又云有鱒有鯢即白魚也

有鱒元板
作有鯢

春秋正義手五指之名曰巨指

儀禮大射孟子云巨擘
若環按國語云母

食指

左傳將指

儀禮鄉射大射注
按既夕記亦名中指

無名指

孟子小指

儀禮

特牲饋食少字

饋食云季指

館閣書目蠶書一卷南唐秦處度撰以九州蠶事獨充

州為最按蠶書見秦少游淮海後集少游子湛字處

度以為南唐人誤矣

水母目暇見郭景純江賦藥城詩云去住由人真水母

簞瓢粗足似山雌

似元板作亦

殷芸小說蔡司徒說在洛見陸機兄弟住參佐中三間

瓦屋士龍住東頭士衡住西頭東坡詩自甘茆屋老

三間簡齋

若據按簡齋陳與義號

詩士龍同此屋三間又云士

衡去國三間屋

唐西域傳末祿有軍達泥婆羅獻波稜皆菜名也

張文潛謂

波稜自波稜國來
波稜元板作坡稜

呂成公曰秦多良醫醫緩醫和皆秦人尸子亦云醫均

者秦之良醫

若據稷利殺扁鵲者亦秦太醫令李
醜也 韓非亦有秦醫善除之語

巫彭作醫

呂氏春秋

岐伯祖世之師曰儻貸季

素問

上古醫曰

苗父

說苑

若據按漢藝文志大古
有岐伯俞拊應劭曰黃帝時醫

黃石圮老教授福州聞李葵李枏林之奇為眾推服即

走其家備禮延致呂太史祭林宗丞少穎文所謂二

李伯仲蓋葵之子枏樗也

葵字棗明子枏字
和伯樗字迂仲

里居之

良若方若陸旁郡之士若胡若劉

方德順陸亦顏胡原仲劉致中見呂

居仁守和伯

少穎迂伸詩

齊齋倪公三戒不妄出入不妄言語不妄憂慮

呂成公謂爭校是非不如斂藏持養

李猷護陳東之喪黃子游調歐陽徹之葬皆義烈士也

李明人黃亦寓居焉志吾鄉人物者宜特書之以厲

澆俗

淳祐丙午衛士柴望上丙丁龜鑑其表云今來古往治

日少而亂日多主聖臣賢前車覆而後車誠

張鷟自號浮休子李白有贈參寥子詩張芸叟僧道潛

復以自號

近世記錄多誤無垢心傳錄以王叔文之黨陸贄為陸

贄

贄即陸淳
非贄也

唐衲集王公庭秀

若據按庭秀慈溪人為
王氏鄉先輩故稱公

作於紹興壬

子考其論議以鄭介夫為妄言陳少陽為鼓鑿是熙
豐之法度非元祐之紛更謂黨人子孫為謬賞謂蘇

黃文章為末藝甚者擬程子之學於墨釋氏而以易傳為謝楊刪潤成書其反理詭道甚矣詆趙張二相尤力蓋自紹聖以來姦愴茂惡家以荆舒為師人以章蔡為賢邪說詖行沈酣入骨髓更中天之禍蕭艾不孳士習熟見聞至紹興間邪說猶肆行筆之簡牘不耻也是故人心不正其害烈於洪水猛獸吁風俗移人可畏哉

發漢陵者樊崇董卓也發唐陵者溫韜也惡復誅臻天

道昭昭矣

若據按此其有感揚幾真如
之事乎王氏有靈應首肯我

成湯周公皆坐以待旦康王晚朝宣王晏起則關雎作
諷姜后請愆況朝而受業為士之職書曰夙夜浚明
有家孝經言卿大夫之孝引詩云夙夜匪懈言士之
孝引詩云夙興夜寐讒鼎之銘曰昧旦丕顯後世猶
忘叔向所以戒也三晨晏起一朝科頭管幼安所以
懼也在家常早起杜子美所謂質朴古人風者也雞
鳴咸盥櫛問訊謹暄涼朱子之詔童蒙也觀起之早

晏知家之興廢呂子之訓門人也起不待鳴雞陸務
觀示兒之詩也雞鳴率家人同起不可早晏無常業
少蘊與子之書也雞鳴而起決擇於善利之間為舜
而已矣

晉殷仲堪父師病積年衣不解帶躬學醫術究其精妙
北齊李元忠母多病專心醫藥研習積年遂善方技
李密祖母患積年精習經方洞嫻針藥其疾得除隋許
智藏祖道幼以母疾究極醫方誠諸子曰為人子者

嘗膳視藥不知方術宣謂孝乎文中子母銅川夫人
好藥子始述方唐王勃謂人子不可不知醫時長安
曹元有祕術勃從之游盡得其要甄權以母病與弟
立言究習方書王燾母有疾視絮湯劑數從高醫游
遂窮其術李逢吉父顏有錮疾自料醫劑遂通方書
杜鵬舉母疾與崔沔同授醫蕭亮遂窮其術程子曰
事親者不可不知醫

康節邵子之先世家于燕父伊川丈人間道奔本朝舍

世祿為窶士乃絕口不言

伯溫子溥自禮部郎便燕道涿州良鄉拜墓洪業寺

石刻蓋統和十年伯溫高大父所建統和十年歲在壬辰本朝淳化三年也至宣和六年壬辰適百二十年伯溫記其異今按宣和六年乃甲辰非壬辰也若璩按何此瞻曰康節墓誌銘乃明道所撰但言系出召公故世為燕人大王父諱令進以軍職運事藝祖始家衛漳祖諱德新父諱古皆隱德不任初未有其父間道來奔之事今進既述事藝祖安得太宗淳化三年尚建寺於遠之境內耶大抵出自其後人誣妄喜新者遂傳之耳

蘇魏公書帙銘曰非學何立非書何習終以不倦聖賢可及蒲傳正戒子弟曰寒可無衣飢可無食至於書

不可一日失

太史公素王妙論曰諸稱富者非貴其身得志也乃貴
恩覆子孫澤及鄉里也黃帝設五法布之天下用之
無窮蓋世有能知者莫不尊親如范子可謂曉之矣

管子設輕重九府行伊尹之術則桓公以霸范蠡行
十術之計二十一年之間三致千萬再散與貧

史記正義

七略云司馬遷撰

利者夫子所罕言又曰如不可求從吾所好

太史公著論以素王名而言求富之術豈以家貧無

財賂有激而云如貨殖傳之意歟然何足以為妙論

若璩按隋經籍志子部五行有太史公素王妙義二卷亡王氏所引則見太平御覽者素王妙論又有

范蠡本南陽人一

語見越世家註

先聖冕服祥符二年賜曲阜文宣王廟冕九旒服九章

熙寧八年國子監言唐開元中尊孔子為文宣王內

出王者衮冕之服以衣之宜用天子之制禮院議依

官品衣服今用九旒崇寧二

若璩按二
當作四

年改用冕十

二旒服九章

禮記於禮之變皆曰始孔氏之不喪出母自子思始也

士之有誄自此

若媛按此字當作縣音父卜國

始也邾婁復之以矢

蓋自戰於升陘始也魯婦人之鬢而弔也自敗於臺

始也帷殯非古也自敬姜之哭穆伯始也廟有二

主自桓公始也喪慈母自魯昭公始也下殤用棺衣

按衣下脫棺字

自史佚始也庭燎之百由齊桓公始也大夫

之奏肆夏也由趙文子始也大夫彊而君殺之義也

按彊而君殺之義也七字當作而饗君

由三桓始也公廟之設於私家

非禮也由三桓始也

按此三句從初刊本增補

玄冠紫綬自魯桓

公始也朝服之有縞也自季康子始也夫人之不命

於天子自魯昭公始也宦於大夫者之為之服也自

管仲始也左氏傳始用六佾晉於是始墨

按此下脫始用葛菲

始厚葬始用殉魯於是乎始髻魏絳於是乎始有金

石之樂始用人於亳社魯於是始尚羔亦記禮之始

變也孔子惡始作俑者始之不謹末流不勝其弊劉

懋撰器物造作之始為物祖劉孝孫房德懋集經史

為事始

馮鑑續事始朱繪撰事原高承增益為事物紀原

然所載乃事物之

始不足以垂訓戒司馬文正公言唐始令妃主葬日

皆給鼓吹非令典不足法蘇文忠公言春秋書作丘

甲用田賦皆重其始為民患也國史記之曰青苗錢

自陛下始宣不惜哉皆得謹始之義

若據按顧仲恭以通鑑不詳及

垓下戰謂古人讀書亦未必精審勝吾輩初怪其言之太過今王氏於左傳禮記尚爾余不勝慨歎仰恭

言端有味哉

周易集林雜占曰占天雨否外卦得陰為雨得陽不雨

其爰發變得坎為雨得離不雨巽化為坎先風後雨
坎化為巽先雨後風

江總詩聊以著書情暫遣他鄉日元城劉公歲晚閒居
或問先生何以遣日公正色曰君子進德修業惟日
不足而可遣乎

陳正獻公疏曰懲羹者必吹於壺傷桃者或戒於李楚
辭惜誦云懲熱羹而吹壺北夢瑣言唐明宗不豫馮
道入問曰寢膳之間宜思調衛指果實曰如食桃不

康他日見李思戒

尹和靖謂動靜一理伊川曰試喻之適聞寺鐘聲曰譬如此寺鐘方其未撞時聲固在也伊川喜曰且更涵養朱文公在同安夜聞鐘鼓聲聽其一聲未絕而此心已自走作因此警懼乃知為學須專心致志先儒於鐘聲之入耳體察如此

東坡策別均戶口曰當成康刑措之後其民極盛之時九州之籍不過千三萬四千有餘夫地以十倍而民

居其一按晉書地理志民口千三百七十一萬四千

九百三

若據按郡國志引三作二

十三蓋周之盛也

見帝王世紀

吳仁傑鹽石新論取潛夫論洗

若據按潛夫論本作治

金以鹽攻

玉以石

若據按何杞瞻曰治仍作洗妙盡物理

土牛之法以歲之幹色為首支色為身納音色為腹以

立春日幹色為角耳尾支色為脛納音色為蹄景祐

元年以土牛經四篇頌天下丁度為序

黃石公記云黃石鎮星之精也黃者鎮星色也石者星

質也東坡以圮上老人為隱君子

成都石經孟蜀所刻於唐高祖太宗之諱皆缺畫范魯公相本朝其誠子姪詩曰堯舜理曰深泉薄冰猶不忘唐也

劉夢得曰於竊鈇而知心目之可亂於掇蜂而知父子之可間於拾煤而知聖賢之可疑東坡辯策問奏劄引之而改掇蜂一句云於投杼而知母子之可疑於拾煤而知聖賢之可惑

晁文元公平生不喜術數之說術者嘗以三命語之公曰自然之分天命也樂天不憂知命也推理安常委命也何必逆計未然乎慈湖先生謂真文忠公曰希元有志於學顧未能忘富貴利達何也公莫知所謂先生曰子嘗以命訊日者故知之夫必去是心而後可以語道

張文潛寓陳雜詩言願平原事誤以盧杞為元相國

李長吉有春歸昌谷詩張文潛春游昌谷訪長吉故居

云惆悵錦囊生遺居無復處

在河南福昌縣三鄉東

唐六典注崔寔正論云熊經鳥伸延年之術故華陀有六禽之戲魏丈有五槌之鍛後漢華陀傳云五禽

詩釋文草木疏云葑蕪菁也郭璞云今菘菜也案江南有葑江北有蔓菁相似而異張文潛詩蕪菁至南皆變菘菘美在上根不食瑤簪玉筍不可見使我每食思故國

司空表聖題東漢傳後有取於陳太丘之容衆郭有道

之誘人此表聖所以自處也

若璩撰元求江而人才至矣而王氏以博學雄

大名弓旌獨不及焉當時必有所以自處者

化書曰奢者富不足儉者貧有餘奢者心常貧儉者心

常富季元衡儉說曰貪饕以招辱不若儉而守廉干

請以犯義不若儉而全節侵牟以聚仇不若儉而養

福故肆以逐欲不若儉而安行皆要言也

若璩撰炳燭齋隨筆

嗇於己不嗇於人謂之儉嗇於人不嗇於己謂之吝嗇於人并嗇於己謂之愛儉者君子之德也吝與愛

小人之事也斯言出晏子如晏子者真能儉者也

荀悅申鑒曰視孺子之驅雞而見御民之術孺子之驅雞急則驚緩則滯馴則安許渾詩迹驅雞吏

司馬公時至獨樂園危坐讀書堂嘗云草妨步則雞之木礙冠則芟之其他任其自然相與同生天地間亦各欲遂其生耳張文潛庭草詩云人生羣動中一氣本不殊奈何欲自私害彼安其軀亦此意也觀此則見周子窓前草不除之意

王渙之曰乘車常以顛墜處之乘舟常以覆溺處之仕

宦常以不遇處之無事矣此言近於達者

民不可與慮始商鞅之變法也百姓何足與議董卓之
遷都也嗚百姓以從已欲其效可睹矣

後魏溫子昇閭闔門上梁祝文云惟王建國配彼太微
大君有命高門啓扉良辰是簡枚卜無違彫梁乃架
綺翼斯飛八龍杳杳九重巍巍居宸納祐就日垂衣
一人有慶四海爰歸此上梁文之始也

兒郎偉猶言
兒郎憑攷塊

嘗辯

之

真文忠公曰仁義足以包寬嚴而寬嚴不足以盡仁義
傅玄席銘左端曰閒居勿極其歡右端曰寢處毋忘其
患左後曰居其安無忘其危右後曰惑生於邪色禍
成於多言冠銘曰居高無忘危在上無忘敬懼則安
敬則正被銘曰被雖溫無忘人之寒無厚於己無薄
於人

梁元帝孝德傳天性讚曰欲報之德不可方思涓塵之
孝河海之慈即孟東野寸草報春之意

蘇子由記杉謂求之於人蓋所謂不待文王而興者陳
同甫之言梅也亦然

漢桓永壽二年戶一千六百

若據按
本作十

七萬七千九百六

十至晉武太康元年平吳戶止二百四十五萬九千

八百四

按漏
十字

隋文開皇中戶八百七十萬至唐高祖

武德初戶止二百餘萬高宗永徽初戶僅及三百八

十萬玄宗天寶末戶八百九十一萬四千七百九至

肅宗乾元三年戶止一百九十三萬三千一百三十

四兵禍之慘如此

若據按孝平元始二年戶千三百二十三萬三千六百一十二至光

武中元二年戶止四百二十七萬千六百三十四

劉夢得何卜賦云同涉于川其時在風泐者之吉沂者之凶同藝于野其時在澤伊種之利乃稔之厄東坡詩耕田欲雨刈欲晴去得順風來者怨本此意

隋煬帝謂蕭后曰儂不失為長城公卿不失為沈后長城公謂陳後主沈后者後主之沈后也通鑑釋文以沈音沈謂沈湏之后誤矣

曾改字彥和為書解朱文公呂成公皆取之館閣書目
書講義博士曾肢等解蓋誤以改為肢

伐吳之役利獲二俊張華之稱陸機雲也平齊之利唯
在於爾周高祖之喻李德林也機雲於河橋之役與
王師為敵其不忠大矣德林願以死奉楊堅復以所
以事齊者事周矣二國何利焉是以持國必崇名節
持身必守行誼

錄異傳曰周時尹氏貴盛五葉不別會食數千人遭饑

荒羅鼎作粥春秋書尹氏譏世卿然能與周同盛衰者亦有家法維持之也近世紀輿地者謂尹吉甫蜀人為作清風堂其謬妄甚矣物則秉彜之詩吉甫庶幾知道者而不能察撥蜂之讒能知而不能行也

王羲之傳論師宜懸帳之奇以衛恒四體書序考之懸帳乃梁鵠書非師宜官書也

說文朋及鵬皆古文鳳字宋玉曰鳥有鳳而魚有鯤莊子音義崔謨云鵬音鳳

王中字簡棲作頭陀寺碑說文通釋以為王少

封禪七十二家管夷吾所記者十有二孟獻子友五人

孟子所忘者三記誦之學勿強其所不知

集古錄李陽冰記云城隍神祀典無之吳越有爾按北

齊慕容儼鎮郢城城中先有神祠俗號城隍神則唐

以前已有之

若據按隋五行志梁武陵王紀祭城隍神將烹牛有赤蛇繞牛口紀與儼同時

經籍志鮑至撰南雍州記記云南陽城內見有蕭相國廟相傳謂為城隍神記文則見通典引者

唐子西採藤曲魯人酒薄邯鄲園西河渡橋南越悲

一下

句未見
所出

集古錄漢表良碑云當秦之亂隱居河洛高祖破項實
從其冊天下既定還宅扶樂歐陽公云蓋不知為何
人也愚按高祖紀三年漢王自成臯入關收兵欲復
東轅生說漢王曰漢與楚相距滎陽數歲漢常困願
君王出武關項王必引兵南走王深壁令滎陽成臯
間且得休息使韓信等得輯河北趙地連燕齊君王
乃復走滎陽如此則楚所備者多力分漢得休息復

與之戰破之必矣漢王從其計出軍宛葉間此即轅

生也

轅與素同
洪氏隸釋

若璩按引高祖紀證即轅生已見
揚升庵載此碑繫以王應麟曰轅

生說行而身隱鴻飛魚潛脫屣圭組遠希魯連近慕
董公亦古之逸民不可與辯士說容並論也今刊本
鈔本俱無知屬楊氏假託所謂英雄欺人亦時有之
者或訝曰王子充引辯水經語子信其為王氏而升
庵明引王氏語子反削正之
何居余笑曰觀人於其素

漢華山廟碑武帝立宮曰集靈殿曰存僊門曰望僊歐

陽公云集靈宮他書皆不見惟見此碑按漢地理志

京兆華陰縣太華山在南有祠集靈宮武帝起公偶

未之攷耳

若璩按余嘗謂蓋代文人無過歐公而學
頌之陋亦無過公傳山先生聞之曰子得

毋以劉原父有好箇歐九之云從而和之
乎余曰非敢然實親驗之集古錄跋尾

容齋五筆石尤風引陳子昂戴叔倫司空文明詩意其

為打頭逆風也李義山詩作石郵

來風貯
石郵

楊文公詩

亦作郵

石郵風惡
客心愁

古者有常心曰士無常心曰民為己曰君子儒為人曰

小人儒善利之間而舜蹠分焉服言行而堯桀異焉

仁義之心存與不存而人禽別焉慄乎其可懼也夫

尚志謂之士行已有恥謂之士否則何以異乎工商特立獨行謂之儒通天地人謂之儒否則何以異乎老釋困而不學則下民爾待文王而興則凡民爾無其實而竊其名可以欺其心不可以欺其鄉

古者重長幼之序齒幼位卑而名韋楊二君李翱所以戒朱載言也後生不稱前輩字劉元城所以稱馬永卿也

李希烈之黨有韓霜露朱泚之黨有李日月逆儔之無

天甚矣

柳芳論氏族曰氏於事則巫乙匠陶按風俗通乙當作

卜

若據按今風俗通義無
則王氏所見猶全本

明州開元二十六年置訖于唐末凡五亂寶應元年袁
鼂陷明州一也貞元十四年明州將粟鎧殺其刺史
盧雲以反二也乾符四年王郢陷明州三也中和元
年鄭賊鍾李文陷明州四也景福元年明州將黃晟
自稱刺史五也

通鑑浙西節度使裴瓌敗王郢在乾符四年閏二月紀
乃謂三年七月當從通鑑瓌字挺秀見世系表

孟子曰舜黜之分利與善之間也蕭望之曰堯桀之分
在於義利而已

范文正公謂劉禹錫柳宗元呂溫數人坐王叔文黨貶
廢不用傳稱叔文引禹錫等決事禁中及議罷中人
兵權悟俱文珍輩又絕韋臯私請欲斬劉闢其意非
忠乎臯銜之揣太子意請監國而誅叔文唐書蕪駁

因其成敗而書之無所裁正韓退之欲作唐一經誅

姦諛於既死發潛德之幽光豈有意於諸君子乎

若璩

按比之匪人何潛德之有不請永貞行耶

淮南子老子學商容見舌而知守柔文子云學常樅

淮南

誤說苑亦云常樅

唐百官志守宮令席壽三年氈壽五年褥壽七年

語本考工

記

北齊擇盧思道之詩得八首

若璩按各作枕歌十首

人稱八米盧

郎或謂米當為采徐錯云八米以稻喻之若言十稻
之中得八粒米也

燕丹子荆軻曰高欲令四三王下欲令六五霸

四三王
六五帝

四三墳六五典三二
曜六五緯皆本於此

陸機傳云弟雲嘗與書曰君苗見兄文輒欲焚其筆硯
君苗未知氏姓攷之雲集有與平原書云前登城門
意有懷作登臺賦極未能成而崔君苗作之聊復成
前意始知其為崔君苗也

文心雕龍云士衡才優而綴辭尤煩士龍思劣而雅好
清省今觀士龍與兄書曰往日論文先辭而後情尚
繁而不取色澤兄文章高遠絕異然猶皆欲微多但
清新相接不以此為病耳若復令小省恐其妙欲不
見雲今意視文乃好清省欲無以尚意之至此乃出
自然

車永茂安外甥石季甫見使為鄮令便道之職茂安與
陸士龍書曰老人及姊自聞此問不能復食姊晝夜

號泣舉家慘感昨全伯始有一將來是句章人具說

此縣既有短狐之疾又有沙蠅

玉篇蠅穴也房中切

害人聞此

消息倍益憂慮足下可具示土地之宜企望來報士

龍荅書曰縣去郡治不出三日直東而出水陸並通

西有大湖廣縱千頃北有名山南有林澤東臨巨海

往往無涯汜船長驅一舉千里北接青徐東洞交廣

海物惟錯不可稱名道長川以為陂燔茂草以為田

火耕水種不煩人力決泄任意高下在心舉鍤成雲

下鍤成雨既浸既潤隨時代序官無逋滯之穀民無
飢乏之慮衣食常充倉庫恒實榮辱既明禮節甚備
為君甚簡為民亦易季冬之月牧既畢嚴霜墮而蒹
葭萎林鳥祭而罽羅設因民所欲順時遊獵結置繞
岡密罔彌山放鷹走犬弓弩亂發鳥不得飛獸不得
逸真光赫之觀盤戲之至樂也若乃斷暹海浦幅截
曲隈隨潮進退采蚌捕魚鱸鮪赤尾鮪齒比目不可
紀名繪鰓鮓炙鯨鯢烝石首臠鯊鯨真東海之俊味

肴膳之至妙也及其蜂蛤之屬目所希見耳所不聞
品類數百難可盡言也昔秦始皇至尊至貴前臨終
南退燕阿房離宮別館隨意所居沈綸涇渭飲馬昆
明四方奇麗天下珍玩無所不有猶以不如吳會也
鄉東觀滄海遂御六軍南巡狩登稽嶽刻文石身在
鄖縣三十餘日夫以帝王之尊不憚爾行李甫年少
受命牧民武城之歌足以興化桑弧蓬矢丈夫之志
經營四方古人所歎何足憂乎且彼吏民恭謹篤慎

敬愛官長鞭朴不施聲教風靡漢吳以來臨此縣者
無不遷變尊大人賢姊上下當為喜慶歌舞相送勿
為慮也茂安又荅曰於母前伏讀三周舉家大小豁
然忘愁足下此書足為典誥雖山海經異物志二京
三都殆不復過也恐有其言能無其事耳愚謂士龍
之書筆勢縱放真奇作也可以補四明郡乘之闕遺

故詳著之

大人元板
作大夫

荀子曰正其衣冠齊其顏色嗛然而終日不言是子夏

氏之賤儒也荀卿之譏毀過矣然因其言可以見子
夏門人之氣象

秦之破楚也王翦至蕪南殺其將軍項燕楚之滅秦也
陳涉起於蕪大澤中同此地也出爾反爾天道昭昭
矣

東坡觀碁詩誰與碁者墨君堂記雖微與可天下其孰
不賢之皆用檀弓文法

論語迅雷風烈必變錯綜成文春與猿吟兮秋鶴與飛

本於此非始於吉日辰良

徐仲車謂尊官重祿人之所好也安肯曰吾不才吾辱其位甚者亡人之國危人之天下不顧也鄭縈可謂知其量矣後村詩謂未必朱三能跋扈祇因鄭五欠經綸朱溫之篡崔柳諸人之罪也於鄭縈何議焉

寧宗閣名曰寶章至和二年五臺山真容院太宗御書閣已曰寶章矣

水經注方城西有黃城山是長沮桀溺耦耕之所有東

流水則子路問津處尸子曰楚狂接輿耕於方城

方城

在葉縣郡國志曰葉縣有長城曰方城楚邑也楚狂接輿並耕沮溺荷篠丈人一時在野之賢萃於楚國聖人晚年眷眷於楚有以也胡明仲曰沮溺耦耕之地史謂蔡也若據史謂孔子去葉反乎蔡途次

經有長沮桀溺事

非謂其地即蔡

善讀書者或曰此法當失或曰一卷足矣奚以多為或不求甚解或務知大義不善讀者蕭繹以萬卷自累崔儵以五千卷自矜房法乘之不治事盧殷之資為

詩

廟堂二字見漢徐樂傳云修之廟堂之上而銷未形之

患梅福傳云廟堂之議非草茅所當言也劉向九歎

云始結言於廟堂王逸注言人君為政舉事必告宗

廟議於明堂

皆謂人君今以為宰相誤矣 若據按淮南王術訓在卿相人君掄策於廟堂

之上亦兼

君相言之

歐陽公記醉翁亭用也字荆公誌葛源亦終篇用也字

蓋本於易之雜卦韓文公銘張徹亦然

東坡鍾子翼哀辭以四言間七言學荀子成相

詩代檀毛氏傳云風行水成文文曰漣老泉謂風行水上
渙此天下之至文也本於此

南豐詩稱昌黎之文云並驅六經中獨立千載後

周恭叔跋秦璽文曰嗚呼斯乎是當去詩書以愚百姓
者乎是當聽趙高以立胡亥者乎是當殺公子扶蘇
與蒙恬者乎是當教其君嚴督責而安恣睢者乎使
其璽不得傳者斯人也而其刺畫吾忍觀之哉李微
之曰秦璽者李斯之魚蟲篆也其圍四寸至漢謂之

傳國璽迄於獻帝所寶用者秦璽也歷代皆用其名
永嘉之亂沒於劉石永和之世復歸江左者晉璽也
太元之末得自西燕更涉六朝至於隋代者慕容燕
璽也隋謂之神璽劉裕北伐得之關中歷晉暨陳復為隋
有者姚秦璽也開運之亂沒於耶律女真獲之以為
大寶者石晉璽也蓋在當時皆誤以為秦璽而秦璽
之亡則已久矣

受寶之禮始於元符再行於嘉定皇帝恭膺天命之寶

至道三年真宗即位製之其後凡嗣位則更製乾興
元年仁宗即位嘉祐八年英宗即位至神哲徽皆製
是寶嘉定十四年京東河北節度使賈涉繳進皇帝
恭膺天命之寶及元符三年御命之寶及元符三年
御府寶圖一冊鎮江都統翟朝宗以玉檢來上其文
若合符契又得受命於天既壽永昌玉璽於是禮官
奏受寶之禮獻之宗廟明年正月朔旦御大慶殿受

寶奉安天章閣

元符三年玉璽蓋
徽宗即位所製

圖也而更為寶圖也而更為檢古者太史奉諱惡豈有是哉

祖宗之制不以武人為大帥專制一道必以文臣為經略以總制之咸淳末德祐

若璩按瀛國公初即位乙亥改元

初賣降恐

後者多武人也其後文臣亦賣降矣

後漢應劭有漢官鹵簿圖

漢官儀鹵簿篇

晉有鹵簿圖鹵簿儀

齊有鹵簿儀陳有鹵簿圖唐有大駕鹵簿一卷王象

畫鹵簿圖景德二年王欽若上鹵簿記三卷天聖六

年宋綬上鹵簿記十卷景祐五年綬取舊編益新制
上鹵簿圖記十卷政和七年詔改修宣和元年書成
三十三卷飾以丹采益詳備矣

趙安仁作戴斗懷柔錄王晦叔作戴斗奉使錄戴斗謂

北方

爾雅北戴斗
極為空桐

擊壤周處風土記云以木為之前廣後銳長尺三寸其

形如履

古童兒所戲之
器非土壤也

先側一壤於地遙於三十四

步以手中壤擊之中者為上

象山先生曰古者無流品之分而賢不肖之辨嚴後世有流品之分而賢不肖之辨畧

司馬相如論巴蜀檄曰父兄之教不先子弟之率不謹寡廉鮮恥而俗不長厚也漢時有此議論三代之流風遺俗猶存也

羣居終日言不及義而險薄之習成焉飽食終日無所用心而非僻之心生焉故曰民勞則思思則善心生寤寐無為澤陂之詩所以刺也

劉之道

煇

上李肅之納拜書曰古之君子一言語而禮

義明一施設而風俗厚如釋之進王生之戰而漢世
重名如裴度當李愬之謁而蔡人知禮

晁景迂曰博之以五經而約之以孝經論語博之以太
史公歐陽公史記而約之以資治通鑑康節先生曰
二十歲之後三十歲之前朝經暮史晝子夜集學者
當以此為法

夫子雅言詩書執禮而性與天道高弟不得聞程子教

人大學中庸而無極太極一語未嘗及

高弟元板
作高第

巧言為辯文子為學宋景文云此後魏北齊里俗偽字

也

若璩按見
顏氏家訓

庾信哀江南賦章蔓枝以穀走宮之奇以族行呂氏春

秋中山之國有夙繇者智伯欲攻之鑄大鐘方車二

軌以遺之夙繇之君將迎鐘赤章蔓枝諫不用斷穀

而行至衛七日而夙繇亡

文苑英華作慢支藝
文類聚作曼友皆誤

宋次道春明退朝錄晁子止昭德讀書志攻之東京記

朱雀門外天街東第六春明坊宋宣獻公宅本王延
德宅宣德門前天街東第四昭德坊晁文元公宅致

政後闢小園號養素園多閱佛書起寂嚴堂

若據按當時春

明宅子儼直比他處常高一倍以便借次道家書也

呂氏春秋伊尹奔夏三年反報於亳曰桀迷惑於末嬉

好彼琬琰注云琬當作婉婉順阿意之人或云美玉

按紀年云桀伐岷山得二女曰琬曰琰斲其名於苕

華之玉苕是琬華是琰

注非

新序介子推曰謁而得位道士不居也蓋謂有道之士
漢京房傳道人亦謂有道之人元和郡縣志樓觀本
周康王大夫尹喜宅也穆王為召幽逸之人置為道
士太霄經以尹喜為尹軌又謂平王東遷洛邑置道
士七人按漢郊祀志注漢宮閣疏云神明臺高五十
丈上有九室常至九天道士百人蓋自武帝始也穆王
平王事不可攷

常至元板
作常置

道書有赤明上皇無極永壽之號後周甄鸞著笑道論

曰古先帝王立年無號至漢武帝始建元後王因之

上皇之號可笑之深

隋志又有延康龍漢開皇若
據按後魏書釋老志以延康龍

漢亦明開
皇為劫數

林靈素作神霄錄自公卿以下羣造其廬拜受獨李綱

傅崧卿曾幾移疾不行

宣政間道表興行至有號
為女真者當時以為先兆

傅奕排釋氏謂中國幻夫模象莊老以文飾之宋景文

作李蔚傳贊亦云華人之謫誕者又攘莊周列禦寇

之說佐其高然則釋氏用老莊之說也非老莊與釋

氏合也朱文公謂佛家竊老子好處道家竊佛家不

好處愚嘗觀姚宗誠子孫曰道士本以玄北為宗而

無識者慕僧家之有利約佛教而無

若璩按舊唐書姚宗傳作為初

刊本業斯言當矣致堂謂經論科儀依倣佛氏而不

及者自杜光庭為之攷諸姚宗之言則非始於光庭

也

若璩按舊唐書方伎傳道士葉法善僧玄奘神秀並列而新書則削去玄奘等意殆見於李衛傳贊

耶中

北斗經引居其所而衆星共之誤以北辰為北斗蓋近

世依託為之

鶴山云旁行敷落之教旁行見漢西域傳敷落見度人

經

漢罽賓傳塞種分散顏師古注即所謂釋種按增一阿
含經四河入海無復河名四姓為沙門皆稱釋種石
林葉氏云晉宋間佛學初行其徒猶未有稱僧通曰
道人其姓皆從所受學如支遁本姓關學於支謙為
支帛道猷本姓馮學於帛尸梨密為帛是也至道安

始言佛氏釋迦今為佛子宜從佛氏乃請皆姓釋

唐回鶻傳元和初始以摩尼至其法日晏食飲水茹葷

屏漣酪可汗常與共國

說齋謂老莊之學盛於魏晉以召五胡之亂而道釋之

徒皆自胡人崇尚遂盛於中國

釋氏至姚興而盛道家至寇謙之而盛

誠齊謂伊川之民被髮以祭君子已憂其戎漢之君

志荒而妖夢是踐吾民始夷乎言祝乎首以為好此

五胡耶律之先驅也朱黼曰三代以上不過曰天而

止春秋以來一變而為諸侯之盟詛再變而為燕秦之仙怪三變而為文景之黃老四變而為巫蠱五變而為災祥六變而為符讖人心泛然無所底止而後西方異說乘其虛而誘惑之

晉語西方之書有之曰懷輿安寶疾大事注詩云西方之人謂周也愚謂西方之書蓋周志之類列子仲尼篇西方之人有聖者李知幾謂意其說佛也皇天大紀論曰當周昭王時西方有傑戎窮幻駕空說通歷

云孝王元年佛入涅槃唐六典註謂釋迦生當周莊
王九年魯莊公七年二說不同

王簡棲頭陀寺碑周魯二莊親昭夜景之鑒注云魯莊
七年夜明佛生之日也瑞應經四月八日夜明星出
時佛從右脅墜地即行七步按春秋莊公七年夏四
月辛卯夜恒星不見正義曰於是時周之四月則夏
之仲春杜氏以長歷校之知辛卯是四月五日也以
是攷之夜明星不見乃二月五日非四月八日也蓋

陋儒之佞佛者傳會為此說

滴水云梵書有修多羅讖言釋氏之教興廢則讖書其
來遠矣

梁觀國有議蘇文五卷駁其羽翼異端者或問地獄之
事於真文忠公公曰天道至仁必無慘酷之刑神理
至公必無賄賂之獄

李壽翁曰性命之理死生之故鬼神之情狀易盡之矣
曷為求之它

通典唐有符祆正謂之視流內

祆呼煙切
胡神也

永嘉張淳忠甫曰今之仕皆非古之道是以雖貧而不願祿問其說曰始至則朝拜遇國忌則引緇黃而薦在天之靈皆古所無也

道家云真人之心若珠在淵衆人之心若瓢在水真文忠云此心當如明鏡止水不可如槁木死灰

東魏檄梁曰毒螫滿懷妄敷戒業躁競盈胸謬治清淨可謂切中其膏肓矣誠齋詩云梵王豈是無甘露不

為君王致密來曾景建云此身已屬侯丞相誰辦金
錢贖帝歸

唐有代宗即世宗也本朝有真宗即玄宗也皆因避諱
而為此號祥符中以聖祖名改玄武為真武玄武枵為
真枵崇文總目謂太玄經曰太真經若迎真奉真崇
真之類在祠宮者非一其末也目女冠為女真遂為
靖康之兆

張文潛云嘗讀宣律師傳有一天人說周穆王時佛至

中國與列子所載西極化人之事略同不知寓言耶抑實事也愚謂此釋氏剽襲列子之言非實事也

垂老抱佛脚孟東野讀經詩也

東坡宸奎閣碑銘神耀得道非有師傳出八師子經佛在舍衛國祇樹給孤獨園時有梵志來詣佛所質疑曰佛所事者何師佛曰吾前世師其名難數吾今自

然神耀得道非有師也

唯佛與佛
出法華經

故翁載長蘆宗蹟師頌云天生三武禍吾宗釋子還家

塔寺空應是昔年崇奉日不能清儉守真風三武謂
魏太武周武帝唐武宗也愚嘗觀山谷開先院修造
記曰夫沙門法者不住資生行乞取足日中受供林
下託宿故趙州以斷薪續禪林宴坐三十年藥山以
三篋繞腹一日不作則不食今也毀中民十家之產
而成一屋奪農夫十口之飯而飯一僧不已秦乎夫
不耕者燕居而玉食所在常千數百是以有會昌之
籍沒窮土木之妖龍蛇虎豹之區化為金碧是以有

廣明之除蕩山谷之言至矣宗蹟以浮屠氏而能為
此言其墨名而儒行者與

儒之教以萬事為實釋之教以萬法為空

萬事元板
作萬法

北齊文宣勅道士剃髮為沙門徽宗令沙門冠簪為德
士其相反如此

世說王丞相導拜揚州因過胡人前彈指云蘭閣蘭閣

此即蘭
若也

後周武帝廢佛道教其子天元復之唐高祖廢浮屠老

子法其子太宗復之天元不足論也太宗亦為之何哉

西山先生題楊文公所書遺教經曰學佛者不繇持戒而欲至定慧亦猶吾儒舍離經辯志而急於大成去灑埽應對而語性與天道之妙跋普門品曰此佛氏之寓言也昔唐李文公問藥山禪師曰如何是黑風吹船飄落鬼國師曰李翱小子問此何為文公怫然怒形於色師笑曰發此瞋恚心便是黑風吹船飄落

鬼國也藥山可謂善啟發人矣以此推之則知利欲
熾然即是火坑貪愛沈溺便為苦海一念清淨烈燄
成池一念警覺船到彼岸災患纏縛隨處而安我無
怖畏如械自脫惡人侵凌待以橫逆我無忿嫉如獸
自犇讀是經者作如是觀則知補陀大士真實為人
非浪語者

錢文季維摩庵記云維摩詰非有位者也而能視人之
病為己之病今吾徒奉君命食君祿乃不能以民病

為已責是詰之罪人也

鄧志宏曰丹霞禦寒則燒木佛德山說法則徹塑象禪教之判其來已久余謂浮屠氏之有識者猶不以是為事而學校乃以土木為先吾儒之道其然乎

通鑑考異云會要元和二年薛平奏請賜中條山蘭若額為太和寺蓋官賜額者為寺私造者為招提蘭若

杜牧所謂山臺野邑是也

杭州南亭記武宗去山臺野邑四萬所

困學紀聞卷二十

右厚齋王先生困學紀聞二十卷先生諱應麟字伯厚自號深寧叟曰厚齋云者鄉人門弟子尊敬之者為之也先生平日多著述是編於經傳子史各有攷據評證於後學足益見聞得鉅諸梓則其益博其傳遠工費浩事未得遂泰定二年冬十月泐東道憲司官行部泣止肅訪之暇詢及是書謂未有刊本為學校久事翰林學士袁先生亦專舉明為宜傳遠惠後學於是具辭申請之於總府轉達於憲司宣慰司都

元帥府咸是所請乃鳩工度費於學儲給馬工食之
粟則翰林學士表先生倡助之本學官及岱山長共
助以足其用凡書者刊者董者觀者莫不以是編得
傳為大喜幸翕然集事嗟夫王先生所為書久不有
所遇一旦得鈔諸梓王先生之志卒以遂此蓋遇鑒
識之明主張之力作成之功而然也刊書成謹識卷
末俾觀是書而有得者知所自云泰定二年十二月
癸卯慶元路儒學教授吳郡陸晉之敘

康熙戊午己未間家大人應博學鴻詞之薦入都時
宇內名宿鱗集而家大人以博物洽聞精於攷據經
史獨為諸君所推重過從質疑殆無虛日或有問說
部書最便觀者誰第一家大人曰其宋王尚書困學
紀聞乎近常熟顧仲恭以演繁露並稱非其倫也由
是海內始知尊尚此書其後家大人返里門遠近從
游者各以此書來請丹黃大人皆應之不厭然其本
特萬歷間刻者不如詠家所藏慶元路本出尚書兩

孫厚孫寧孫手最勝大人自壯至老手自校讎不啻五六過訛者正之遺者補之常謂詠曰苟無訛可正無遺可補天下之能事畢矣雖古人撰著臻此亦難歲丁丑大人間游江陰從一故家得斷爛鈔本以歸較多二十七條其辭簡而義精非尚書萬萬不能為也又檢王子充序水經歷引尚書言有云江水東逕永安宮南五十一字刊本鈔本都失去因知子充當日所見本尤完善亟為增入歎惋者累日其用心之

勤如此詠以端憂多暇請鳩工授梓大人復自矻矻者彌月乃手之而喜曰續古人之慧命啓來學之博聞其在斯乎夫校定書籍故非易自劉向揚雄方稱此職世豈有其人哉要事求有據不敢憑臆以決亦可矣小子紀其緣起庶以正世之君子詠遂拜而書之康熙三十七年歲在戊寅六月望日男詠謹識

--	--	--	--	--	--	--	--	--